



禪海五

漢書門				
三	一	五	七	類
四	函	號		
一	架			
〇〇	冊			

內閣文庫				
三	一	五	七	漢
七	〇	函	號	書
一	〇	架		
九	冊			

內閣文庫			
番號	漢	3157	
冊數	100(5)		
函號	370	44	




 搜神記 四之八
 述異記 上下



晉搜神記卷之四

明會稽商濬校

燕惠王墓上有狐狸已經千餘歲神變無比世罕有
之聞晉司空張華博學多才狐狸化為二少年書
生才容奇美乘馬而出墓前過去華表神謂曰子
欲何之狸曰我聞晉司空張華博學多才今欲詣
門與之論談木精曰張司空之才難可比也若去
非但喪汝二軀我亦遭累狸曰縱伊廣覽豈能勝
予終為之而旋為累子矣木精曰實謂自貽伊戚



其可乎不取吾言終有悔日狸不荅而去乃持刺
謁華華引入談論三日不屈華甚疑之此必妖也
乃掃榻延留留人防禦時雷孔章來訪華華以書
生白之此必妖異孔章聞此語忽然大笑曰公爲
國之棟梁吐食納士賢者進用不肖者黜退何故
妬賢嫉能不以已之不才而言人之妖異如此爲
天下笑耳華益加防衛勿遣東西孔章曰若疑之
何不呼獵犬試之乃命犬以試竟無憚色狸曰我
之才智天地產之反以爲妖以犬試我遽

莫

于試萬慮其能爲患乎華聞益怒曰此必真妖也
乃曰是百年之精獵犬見之卽變若千年之妖以
千年神木火照之卽變章曰千年神木何由可得
華曰世說燕惠王塚前有華表木已經千年發通
馬使往取其木使欲至木所空中有一青衣小兒
來問使曰君何來也使曰張司空忽有二少年多
才巧辭疑是妖異使我取華表照之青衣曰老狸
不智不聽我言今日禍已及我其可逃乎乃發聲
而泣倏然不見使乃伐其木木中血流使將木歸

抄不詳
照之其精乃變華乃烹之

漢時東華郡陳司空死經周年忽然還家在床而坐
約束子孫與平生無異飲酒食肉閑論幽冥事歷
歷來往不一專事惑婦子孫致敬無異生前忽一
度還家飲酒醉卧在床子孫敢近前審窺元是村
中沽酒之家老犬也從此便無蹤由

王莽篡漢平帝位一十八年德行不合乾坤國祚將
改忽於南陽市中生一肉塊斫刺不入詔令載歸
殿前召荆房息來問曰殿前生此異物爲何祥庠

息對曰臣不識有費長道通人也能識之莽遣費
長道使發數日房息曰臣啓陛下費長道至必言
不識陛下但言卿既不識何故城東門外下馬仰
天而嘆也須臾長道至帝問何物對曰荆房息向
言不識臣何知之帝曰卿既不識何故東門外下
馬仰天而嘆道曰臣嘆荆將軍推死與臣帝曰卿
但實言勿隱朕不罪卿道曰旣奉進止敢不遵承
此物一名肅二名伏中有鐵券長三尺六寸道王
家衰劉家再興莽曰如何得見道曰須得七歲女

子尿之可開也莽依言果然邇後光武中興斯實
徵矣

昔太祖年七十只養一子年十三而夭太祖與夫人
晝夜悲泣不止夫人忽一夜夢見亡兒來謂母曰
某今差在泰山五百日驅使苦無暫休今泰山府
君取周王爲嶽宿阿娘可爲兒囑王安兒於樂處
免有驅役言訖洒涕而別其母睡覺悲不自勝太
祖問有何故具以事白太祖曰夢以想成生死殊
道漠漠然何可憑也翊日晝寢復自夢見亡子曰

昨日請阿娘咨告如何却以爲無憑也旣若不信
但看周王三月十八日必死若不死卽虛也太祖
夢覺信之明旦喚文王來語曰朕昨晝寢夢見亡
子云被差問泰山府五百日驅使今泰山府君取
卿爲宿今夢想之頃朕亦不信儻如所夢卿卽方
便安兒於樂處周王曰短長之數豈可逃乎然念
永別清朝將辭昭代已審聖旨豈敢違命泣涕交
下哀戀久之太祖乃賜王絹十疋以贖亡兒果子
三月十八日卒經十餘日太祖又夢見兒顏色和

悅謂父曰蒙托父王文王任所職遷見於泰山府
錄事參軍不監印差帝南人代役仰荷君恩敢不
上報太祖夢覺喜而復悲卽發人往問帝南人死
虛實使回云亡經十五日事驗有實方知鬼神之
道昭然不可謂之無矣

張華爲豫章太守善易卦明於政刑下吏罪人畏之
不敢犯令或當死者悉放歸辭父母時有一人犯
盜處死剋日欲誅放歸辭別限滿赴州就刑其人
在路號哭經趙朔家趙朔問何故哭答曰某拙謀

爲盜犯法當死昨蒙太守給假辭父母限滿赴州
就刑所以悲泣朔曰何不逝去答曰使君明於易
筮前後逝者皆獲得是以不敢違日朔曰汝不用
哭吾令汝生但用吾計自當獲免汝可取三遍到
行渡河卽取竹筒盛水三尺長安於腹上仍黃沙
中卧經三日然後可還終始擒汝不得也其人一
依朔言至假滿法司怪久違限乃以名聞華乃觀
易六卦成斷曰何故腹上水深三尺背卧黃沙此
人必投水死更不用尋也此謂之善易其人經一

年改名姓處於鄉里既脫其死卽賫重賂酬於朔
朔一無受焉

昔泰山皇帝召募諸方秀士遣司徒崔皓試之問其
妍否皓見雍州秀士陳龍文多言巧辭乃嘆之曰
子姓陳與陳恒近遠龍文應聲荅曰龍文與恒還
如公與杵間密相似崔皓憾之異日策問龍文曰
鷓鴣何以食母弱水何以西流武王何以伐紂龍
文並皆不荅皓落下不第龍文上表稱崔皓位正
三台治司萬物不能以風化下而將逆事問臣以

臣無能俾令下第伏乞陛下聖造親試否臧表至
帝召皓詰之皓曰龍文無藝何以堪之帝乃自召
龍文問其試目對曰崔皓何不問臣慈烏返哺而
乃問臣鷓鴣何以食母何不問臣百川歸於滄海
乃問臣弱水西流何不問臣伯夷叔齊讓國乃問
臣武王伐紂所問三條皆是逆事臣恐崔皓有異
志也臣是以不荅帝召皓問之皆如其說乃封龍
文爲上卿故諺語云巧言以免責此之謂也

漢武帝與越王爲親乃遣東方朔泛海求寶惟命一

周迴朔經二載乃至未至間帝問左右朔久而不至今寰中何人善卜對曰有孫賓者極明易筮帝乃更庶服潛行與左右賫絹二疋往卜叩賓門賓出迎而延坐未之識也帝乃啓卜卦成知是帝惶懼起拜帝曰朕來覓物卿勿言賓曰陛下非卜他物乃卜東方朔也朔行七日必至今在海中向西招水大嘆到日請話之至日朔至帝曰卿約一年何故二載朔曰臣不敢穰程探寶未得也帝曰七日前卿在海中恣西招水大嘆何也朔曰臣非嘆異之

世說云五郡之人各是異財而逢喪亂常山一人安定一人襄陵一人博陵一人悉皆孤獨俱行衛國同至樹陰因相問姓名各言離亂狀惻然因相謂曰我等皆無骨肉今日幸得聚會亦天然也可爲兄弟已否衆曰諾因結義爲兄弟長字仲伯次名文仲次名季仲次名叔仲次名雅仲五人相將詣衛國市中見一老母孤單告乞五人收養侍奉敬

如事親母孝心無二已經三年其母遇疾五人憂
愁不能寢食母曰吾是并州太原人董世臺之女
嫁同郡張文賢爲妻任北海太守因遭荒亂文賢
早亡葬在太原赤山之下八塚同行東頭第一塚
是賢塚吾死後汝等若能與我送葬到塚側吾平
生之願畢矣吾遭荒亂之日有一子姓張名遺年
七歲冑中有七層足下有通徹之紋父喪因流浪
相失汝等宜思記之他日有如此子卽我子也宜
話吾之由言訖而卒五人扶喪至太原忽叔仲橫

被朝歌令禁繫時有一人走役太守言養母之狀
述并葬之由太守曰汝何姓氏具以對之因話男
之形狀太守聞之號哭擗地此吾母也吾以幼小
兵革離亂母子相失迨今又哭之乃發使往朝歌
迎喪并具表聞奏於魏帝陳其流浪之由并述五
人孝狀善其人義重可以旌之各爲太守仲伯河
中太守文仲河東太守叔仲河南太守季仲河西
太守雅仲河北太守并賻贈張遺母喪追封太原
縣大夫夫人仍遷張遺爲魏府都護噫孝心動於天

地感應昭信矣義乎可傳流千古

昔晉使孺臨政而戮趙同趙括及季年將疾見天屬
鬼披髮及地搏膺而踊怒目大吒晉公曰殺余之
孫而絕余祀令我不得享由爾使然何不義之甚
也余得訴於上帝矣今日之寃必雪復何逃焉乃
壞大門及寢門而入似縱擒之狀公大駭避於室
內及壞其戶將欲入公曰戮子之子孫又何干公
也鬼曰致余不食因爾之由何謂不于我公曰請

晉搜神記卷之五

明會稽商濬校

昔晉使孺臨政而戮趙同趙括及季年將疾見天屬
鬼披髮及地搏膺而踊怒目大吒晉公曰殺余之
孫而絕余祀令我不得享由爾使然何不義之甚
也余得訴於上帝矣今日之寃必雪復何逃焉乃
壞大門及寢門而入似縱擒之狀公大駭避於室
內及壞其戶將欲入公曰戮子之子孫又何干公
也鬼曰致余不食因爾之由何謂不于我公曰請

立祀可乎曰不可其已暮矣然請於上帝候爾來
證知言訖不見晉公染疾不期月而終悲夫冤結
之事不可爲也今之君子得不慎歟

趙明甫天水人也名仁美選三傳擢第授江表太興
縣尉累以政聞遷授蒲縣令仁美素曉三命能自
知官祿壽常謂人曰余官不過邑長壽不過六十
歲今吾五十四歲矣其不遠也然余有一女未適
人此爲急務卽請人於屬邑中選有德行學業者
配之未會間有日者經過乃趨謁趙令因話令之

祿壽如仁美之言令曰某亦自知耳然一女子未
從人有此未了餘則無事也未選得女婿間先爲
女子覓一女僕使忽一日命掃庭忽涕淚令曰何
故女僕曰某姓王父嘗爲此邑令某生此縣中因
喪父母不覺涕泪交下令問其父名曰名德麟令
思之乃是親戚因卽慘然又曰何至如是女僕曰
卅角之時遭兵革亂離之苦被人掠賣以至於斯
令乃謂其妻曰彼我女不憂不嫁遣且輟吾女粧
奩之具先嫁之乃於衆言曰某近認得一姪女今

先聘人俄擇邑客有善者從之其所生之女却未
嫁之忽一日經過善相人復謁於令見令大駭曰
昨觀君容其命將殂今日觀之福祿與壽未可言
也莫是在政別有異能不然雪冤亂之事方可獲
此果報令曰某只守法清廉固無出死入生之事
曰必然之理請細籌之令曰某別無能改因話嫁
僕之事荅曰只此便是更何求之乃賀令曰此祿
壽長未可測也是知陰功及物當世有增延壽祿
後人觀此胡不動心乎

彭蠡湖側有鄉人李進勅者以販彭蠡湖魚爲業常
以大船滿載其魚於金陵及維揚肆中積有年矣
一旦復販魚於金陵夜泊三山之浦其夕風靜波
澄月色如晝進勅乃步于岸側聞船內有千萬人
誦經聲勅驚而異之伺聽于岸其音清亮非常勅
卽登舟察之乃船內魚耳進勅曰由我鄙見販易
衆生輪迴之身不可測也因悉放魚於江中臨放
魚時言曰諸魚旣各通靈他日某若困苦敢希方
便番恩矣由是改業販鬻荻薪數年之間大作

筏載薪於金陵貨之未到間值大風吹溺薄筏一
時沉沒惟進勅墮於江中不溺足下如有所履俄
而被風颳竹數竿至於進勅身側進勅扶此竹而
獲稍其濟乃見大魚數百頭於進勅足下乘之及
有竹頭共拽竹而行于時到於洲乃得登岸回顧
諸魚各已散去至夜不得度江卽栖於洲上將更
深矣進勅卽獨坐愁苦雨泪逆灑嗟身之蹇躓一
至于茲忽見荻叢碎鏤中光芒然進勅卽以手摸
之獲金二斤乃袖於懷中愁悶頗息俄見一人着

白衣向波心踴立謂進勅曰朝來得存性命及獲
金乃于前者所放諸魚今各報子恩也言訖不見
待旦卽有魚數十頭又拽一葉舟來橈棹俱備進
勅因得及岸而歸矣余嘗覽佛書見論十千天子
報恩何異於是乎

昔楚僚至孝內親早亡敬事後母終身不失忽母患
一腫成癰形容日悴人皆不識僚欲呼醫師針灸
恐母痛難忍自以口於母腫上徐吮之其腫自熟
血流出迨夜卽得安寢乃夢一小兒語母曰若得

鯉魚食之其病卽瘥可以延壽若不得鯉魚
久死矣母覺而告僚僚聞之悲懊無計仰天嘆曰
我不孝今是十二月凝結之日何處求之僚卽抱
而哭我如何失母去得行坐悲泣願天効靈乃脫
衣上冰卧之有一童子決僚卧處冰開送鯉一雙
與僚僚得之喜悅將歸與母食之其疾卽愈延壽
一百三十三歲蓋僚至孝感天神昭應如此

昔吳王孫權時有李信純是襄陽紀南人也家養一
犬字曰黑龍愛之猶甚行坐相隨飲饌之間皆分

與食忽一日於城外飲酒大醉歸家不及卧草中
時遇太守鄧瑕出獵見田草深不知人在草中醉
眠遣人縱火焚之信純卧處恰當順風犬見火來
乃以口拽純衣純亦不動卧處比有一溪相去三
五十步犬卽奔往入水濕身走來卧處週迴以身
濕之火至濕處卽滅獲免主人大難犬運水困乏
致斃於側俄爾信純醒來見犬已死遍身毛濕甚
訝其事因觀四迴覩火蹤蹟因爾慟哭聞於太守
太守憫之曰犬之報恩甚於人人不知恩豈如犬

乎卽命具棺槨衣衾葬之今紀南有義犬塚高十餘丈

晉搜神記卷之五終

正十歲少子不主人不歸長生又七歲思思以
氏以口舐絲不絲亦不腫相與吐背一氣味去三
翅入獵火焚之計絲相與欲當風火具火來
却遇太守澄疑出麻良田草彩不映入式草中輒
與貪慾一日欲舐衣釐酢大輒歸來不又相草中

晉搜神記卷之六

明會稽商濬校

元嘉中有道士徐啓玄隱居終南山中道德尊重人
皆欽之然通法術逆知吉凶前世之事歷歷可聞
時有王大夫只養一女年可初笄乃世之極色也
憐愛頗甚乃名曰金英徐啓玄忽然一日閑遊之
次經過王大夫宅門見宅上有宿世冤讐怨氣且
天啓玄曰此誰宅闖者曰御史王大夫啓玄曰大
夫在否荅曰在可與余報之云終南山徐啓玄有

切事欲見大夫闍人入告大夫聞話令升廳俄出見之玄曰勿訝造次起居然有事咨白未知可否荅曰望示及玄適覩大夫宅上有宿世重冤讐欲伺其便而報之大夫知否對曰非尊師胡爲知之某凡俗肉眼豈明此事玄曰請童僕男女等遍觀之皆言不是又曰宅上更有何人大夫曰某有一女小字金英幼小憐之頗能羞慙玄曰只此小娘子便是大夫之冤家矣可令出來大夫將謬言令夫人召來夫人卽往喚之已見其女扃其房門面

壁而坐歎曰我之宿世冤結方欲伺便報讐無顧道士顯我世事令人聞之驚告大夫大夫惶懼計無所出乃禮啓玄曰此宿世冤對相會如何脫免玄曰此小事荅曰倘蒙尊師慈恩特垂救援以生以此何門報之又復再拜玄曰勿在多言卽爲却遣與大夫變却取索水一盆劔一口左右手秉之隨大夫至閣內令可開門金英曰是我之冤于爾何事玄曰道門以救援爲功濟人爲上曷不速變安用多言乃步罡訣呪以水噴之叱曰速變本形

搜神記 卷之六
無更居此呪訖令備棺襯遂巡而至玄乃開門視之已化爲白骨卽令左右斂之致靈車誠曰可送出都門行十里餘遇大林木中棄之急奔勿更回顧左右依言送出都門可十里來果有大林便安其下急奔而歸回至都門方始回望見大林紅焰亘天悉爲燼大夫與夫人驚哭拜謝仍備珍寶財帛酬之悉不顧而去

晉太子申生仁孝而遇驪姬之譖縊于新城及晉惠公復國乃謚太子曰恭葬以太子之禮期月太子御巨狐突過下國而遇太子申生於途太子命突登車而御之告突曰夷吾無禮而彰先君之惡余得請於上帝矣將以晉國與秦秦將祀余突曰臣聞神不歆非類民不祀非族今令秦祀君豈不謬乎且民何罪而致亂亡宗廟何故而不血食請圖之太子曰諾待吾復請於上帝七日可往新城西偏於巫者之家見我焉突曰諾倏而不見凡如夢醒突復依期而往又遇之告曰上帝許我罰有罪矣夷吾其斃於韓言訖而沒其後秦伐晉晉果

敗於韓地而獲晉侯悲夫申生爲人之子孝之至也於死孝心不忘耳改葬封謚彰先君之不德矣實不欲父成其醜子受其美哉

昔德化張令家業蔓延江淮間累金積粟不可勝數秩滿歸京僕馬壯健囊橐敦厚常先一程致頓海陸珍美必挈而行至華陰僕夫施幄幙陳罇俎旣竟庖豕炙羊始熟有黃衫者一人據盤而坐僕連叱神色不撓店嫗曰今五方戈羅之輩橫行關內此其流也不可與競僕夫方欲求人以責之而張

令至具以事告令曰容之勿逐也乃揖而問曰來在何方黃衫者不言但唯唯耳促暖酒酒至令以大金盤飲之雖不謝似有愧色飲訖顧炙羊目不暫捨令自割以勸之至盡黃衫者亦未有飽色令又於大盒中取餅十四五枚以餒之凡飲二升餘酒旣酣謂令曰四十年已前曾於東店得一醉以至今日令甚訝之乃動問姓名曰某非人也蓋冥司送關中死籍之吏耳曰可得一觀乎曰窺亦何患於是解草囊出一軸其書云泰山主者牒金天

府第三行書云貪財好殺前德化縣令張某卽張
君名也令見名泣告使者修短有限誰敢惜死某
年始強壯不爲死備家業浩大未有所付且有何
術得延其期某囊中計其所有不止數十萬盡可
以酬之執事使者曰一飯之恩誠宜報德百萬之
賜噫又何用今有仙官劉綱者謫居蓮花峰下唯
足下匍匐徑往祈求奏章除此難爲無計也吾聞
昨金天王與南嶽博戲不勝甚被逼逐足下可詣
嶽廟厚以利許之必能施力於仙官縱力不及亦

得路於蓮花峰下不爾卽無計矣於是逕往觀荆
榛蒙密川谷阻絕杳無能往令於是齋牲牢馳獻
嶽廟又以千萬許之直往蓮花峰下轉乘南有一
茆堂見一道士隱几而坐問張令曰腐骨殘肉魂
亡神耗者安得至此令曰鍾鳴漏盡露晞頃刻竊
問仙官能復精魂於枯骨致肌肉於朽屍既有好
生之心豈無章奏之力道士曰吾頃爲漢朝權臣
一奏便謫居此峰今欲何得欲陷吾爲寒山之叟
乎令哀請懇切仙官神色甚怒俄爾有使者賁緘

而至於金天王札也仙官覽書笑曰關節既到難
爲不應召使者反報曰莫又違上帝譴責否乃啓
玉函書一通焚香再拜以遣之經時天符乃降其
上署徹字真仙復焚香再拜以啓之書曰張某棄
背祖宗竊假名位不顧禮法苟偷官榮而又鄙僻
多藏詭詐無實百里之任以是叨居千乘之富實
因苟得今按罪以實待戮餘魂何謂來章延求厥
命但以扶危拯溺者大道所向緩刑宥過者玄門
是宗徇爾一眚全我私貸若其悛惡恕乃自新貪

生者量延五年奏章不能書罪仙官覽訖謂令曰
大凡人壽可數百歲而已喜怒哀樂役心之源愛
惡嗜慾伐性之根而又揚己之能掩彼之長顛倒
方寸頃刻萬變神倦思怠難全天和如彼淡泉涸
於五味欲致不壞其可得乎勉道歸途無墜吾教
令感拜辭舉足已失所在復尋舊路稍覺平易步
十里餘見黃衣使者前賀曰將欲奉報願知姓名
鍾名生爲宣城脚力夜卒于華陰乃爲幽冥所鑑
遞符之役痛苦如舊令曰何方以免報事之因曰

但辭金天王願請置予為閹人則吾飽神盤殮矣
符已違半日莫及滯留便乃揮別入庄南栢樹三
五步而於是張令駝車華陰決東歸之計酌金天
王愿所費二千乃語其僕曰二千可贍吾十舍之
資糧矣安有受祉於上帝而私於土偶人乎明日
乃乘而東去旬餘至偃師是夕至於縣館見黃衫
吏賫牒排闥而進叱吏曰何虛妄若是今則禍無
所逃孽不可追由爾償三峰之願不決俾吾酌一
飯之恩無終悒悒然痛如螫螫言訖失所在頃刻

張令有疾乃留遺書於妻子未盈半幅而終悲夫
貪恡財貨而輕生是忘大德而背前言如斯欲延
厥命其可得乎茲卒宜哉後之人可不慎歟

此女子便作哭泣哀悲不堪聽俄有一人乘馬而來見女子哀泣下馬曰娘子深夜何故在此意如何僕願聞之女子掩泣而對曰妾住易州前年爲父母聘與北門張氏爲新婦不幸妾夫去歲早亡家事淪落無所依投尊堂遠地豈知此孤苦妾思父母心切擬歸易州緣女子不悉路途所以悲恨若何問之使人曰適將謂女子哀怨別事某不敢言若要還鄉亦小事某是易州等職昨因差使今却返易州娘子若不嫌鞭馬稍粗僕願輒借便請

上馬赴前程女子乃收泪謝曰若能如此負戴恩德何可忘也言訖請娘子上馬之次志玄從墓林而出語軍使曰此非人類是妖狐化之軍人曰和尚莫謾語相誣此女子志玄曰君若不信可住少時當與君變却軍人曰是實否於是志玄結印口誦真言振錫大喝何不速變本形女子悶絕而倒化爲老狐而死鮮血交流枯髑髏草葉尚滿其身軍人見之方信是實遂頂禮再拜嗟訝而去

張安儒東洛人也其家大富賈敗淮南永和年中自

廣抵於洛下既至而患瘡發使至陸渾召命子子
聞父疾星夜奔至洛陽不逾一旬安儒身死男女
哀擗未及棺歛忽有一女子縞服重戴莫覩其面
自門而入僕使借問亦不應直至屍前不去帽乃
盡哀泣其聲清怨傷切不勝男女親媼驚愕莫測
其由須臾棄其帽見之乃醜胡女鬼也親姻皆奔
走但看之此鬼乃開其門須臾聞堂內與安儒屍
言笑又飲酒饌歌樂食頃逡巡又聞厲聲啾唧及
相打毆擊之聲良久方靜至暮安儒子與親戚家

僮開戶看之見其屍與胡女俱化爲灰矣

李楚賓楚人也性剛傲以畋獵爲志凡所出獵無不
大獲時有董元範家住青山母常染患晝日安靜
夜間却發背如刀刺兼毆打相似不堪其苦經一
載以來凡是醫藥針灸並無救時永明中有善易
者朱邯歸豫知路經元範舍遇夜未宿元範母至
三更已叫喚如被拷打相似至曉問元範曰大夫
人何病如斯元範曰母患一載醫藥無徵莫知其
患來處朱邯乃作卦看之謂範曰君今日來合遇

其人正未時有一人持弓箭來須具衫服於道側
伺候求見卽須致敬懇求再三留宿此必救得君
母之患及驗其苦之源也言訖告辭而去範乃依
言具衫服於路候之果見李楚賓持弓箭游獵範
見便叙寒溫乃屈楚賓願過敝舍無見外也楚賓
曰我今游獵一物未獲何苦相留日勢尚早不可
宿也範具說母疾云有一日者指引君子令邀止
宿必愈母疾楚賓卽往便坐範具酒饌飲之飲訖
安楚賓於東房宿此夜月明如晝賓至二更以來

乃出房門徐行忽見空中有一大鳥飛來向母房
上將嘴便啄忽聞堂中痛楚難忍賓心口思惟此
鳥莫是妖魅乃入房中取弓箭便射之連中數箭
其鳥飛入堂中痛聲卽止及旦賓向範曰某昨夜
與君母除疾害訖範曰如何除得某昨夜至更出
戶徐行忽見一大鳥渾身朱色兩眼如金飛向堂
中將嘴便啄乃聞夫人痛聲某取弓箭射之連箭
飛去堂中聲便止範聞之再三驚喜相隨遶宅尋
覓並不見物忽見碓棹上有兩隻箭所中處皆流

血範以火焚之精怪乃除毋患自此平復如故持絹一束與楚賓不受而去

李汾越州上虞縣人也性悅山水乃居四明山山下有百姓張老莊其家大富好養豕積年不宰而縱之求和末中秋月圓李汾步月於中庭撫琴自適忽聽外有人嗟嘆之聲或言或笑李汾不測其由詰曰何人夜久至此山院女笑曰惟好秀才之妙聲汾開門而看之見一女端正無比惟覺口帶高緇黑色汾問娘子莫是神仙乎女對曰非也見是

此山中張家女今夕父母作客東村竊來奉謁希無見責也汾欣喜謂娘子曰不棄荒居便請升階言訖女子乃上階煎茶言笑相諠汾莫能及下帷背燈琴瑟已盡忽爾晨鷄報曉女起告辭汾戀慕惜別卽偷女青氈履子一隻藏衣籠中汾恍忽睡著女撫汾悲泣求覓履子願無留此今夕再期若收之妾身必死今拜謝君子幸留矣汾竟不與而睡其女號泣而去汾驚而覺不見其女只見床前鮮血滿地汾心異之乃開籠觀其履子已化爲猪

蹄殼乃怕畏不已尋血下山直至張公園內其豬
還見汾來瞋目咆哮已而汾具以前事告於張公
公開之驚怪遂烹之汾乃棄此山院別遊他邑矣
悲夫妖怪之事顯然蠱惑之道彰爾假人之形媚
人若此是故妖艷之色可不慎歟

搜神記卷之七終

晉搜神記卷之八

明會稽商濬校

永平年中有司勳張員外者早著名顯常以詞舌過
人同輩莫不畏憚而祿秩不能榮進及懸車之歲
有子四人名德雄邁位列清近司勳忽患舌腫須
臆出於口外其大如斗瞑目而喘殆不延於頃刻
子弟憂迫集議以此疾狀告方無錄人不知識宜
於名僧道士求以異術治之冀必有效諸子乃是
易服章散諸佛寺道觀遍以疾狀訪於識者適遇

老僧謂曰郎君不知業報乎盍扶持員外行於坊市多人之處明其疾狀博以求之何慮無人識者諸子喜納其說乃徒步奉輿而行於東市中有一叟鬚眉皓白而顏若嬰兒見司勳之病驚曰吾平生善療此疾今幸年九十八矣方始一遇大喜願以治之諸子拜泣而隨叟曰吾於宣平東門愛一小宅乏於財貨而不致郎君卽爲吾治之其家亦久欲賣倘兼備以器用帷幙見待其宅不逾三萬諸子遽便求訪果有卽時買之叟有妻菜要

貌閑雅年若十八九許阜縠幪首絳繒束腰曾無粉黛之飾髮澤肥淨光彩照人與叟同赴新第期明晨待司勳至諸子鋪設茵褥幃幔饌具無不精備叟亦極喜諸子及曉待司勳至叟前迎之令其妻燃薪具鹽酪叟請曰諸郎君宜以靜伺遠立無至憂擾叟乃捻司勳痛舌有豚懸於舌根下以金刀斷之後於絳囊中貯藥取少末而封焉其舌重五六斤叟令其妻齧而炙肉灼之膏滴中香氣盈室司勳忽開目嚙津所疾卽愈叟共菜妻相勸食

其灸須臾而盡諸子狂喜候問司勳云只憶初得疾時後不省矣適將欲悟忽聞灸香餒而思食咽液而差我不能曉其由也請餅餌進數若不有疾叟曰疾既愈矣請諸郎君待司勳回宅司勳謝曰此疾非老丈神術治之卽無瘥矣感戴恩德何日忘之叟曰某志在斯疾幸愜平生之願何可言哉旣歸諸子持金帛奴馬詰旦來獻於叟但見遍鎖其門器用帷幕之具一皆在焉悉不將去惟叟與妻莫知所往諸子奔回具以事告司勳舉家號泣

焚香信敬之方悟神仙來爲治疾識者曰司勳之疾得不爲多詞之咎而斯病誠之後諸人豈不慎歟

虞鄉獵人張可思多力射每逐獸入山經旬不返因雪中尋鹿險阻絕遠忽見人蹟踐履絕新可思怪愕久之卽窆其蹤入危僻窮途蹟盡抵長松泥雪攀緣分明歷歷可思愈懷驚異因又登焉將樹頂乃有傍引大枝橫構岩上視其人已度焉可思則隨度寬平顯敞不類山中俄至洞側又徑入門四

周石堦堦下葦簾中有大石堂堂內煙火薰灼烹
爨甚鮮可思詣前適見自外者負鹽一囊約百許
斤致之厨下澣袴濯足因邀可思就火俄聞磬聲
皆曰諸真登堂矣卽遣可思拜謁可思就昇見金
人玉人在左右而身長丈餘皆衣鶴襲儀狀嚴美
聲音朗暢皆謂可思曰何由至此旻天可思卽述
其來遂坐可思於地遍問人間之事旣而謂可思
曰爾可記吾短章傳之於代亦可稍增其壽詞曰
天清地寧人獨營營名利奔迫喜怒交爭思未厭
壽彌喪其身何不絕欲端守爾精言訖謂可思曰
可速歸舍無滯於此當有譴責可思聞語便卽拜
辭於是命負鹽者送出卽尋舊逕而歸他日可思
復來道途乖矣

永熙年中青州從事檢校尚書兵部郎中王宗仁者
羈遊河北時僕射李公鎮守宗仁與李公有族兄
之分而接之甚厚因話鬼神之事而李公謂爲冥
昧有無難測宗仁曰有可信矣何疑焉如要明之
便可立頃召致李公因祈請之宗仁曰公可率意

暗書逝者名氏識之付某當卽遣召公先從鄴中
大將從兄弟免學陣傳射時免始亡公方軫念卽
密書其名氏以付之宋仁乃命香火迎風而嘯遂
以其名就焚于爐良久向門驚視遽起揮揖曰在
左右間當爲通報因謂公曰不合輕召大將宜速
備酒食盡敬辭謝之公如其言致敬久之乃曰幸
已去矣必欲見者可更召平賤之輩縱來無害也
時公宅內新喪青衣因書其名字付之要當見矣
宋仁復命香火迎風而嘯卽以其名就焚於爐火

頃刻笑語公曰如此老婢追之何爽公大奇之因
令詢問幽冥之事宋仁曰固不可泄泄之當兩戒
其筭耳久而遣去宋仁常語公曰某終當爲國相
但得石勒劉聰爲主非若三台之正位也其後宋
仁以青州倅主人卒後因爲隴右公納之賓僚尋
僭號而宋仁爲左丞相矣竟如其言

涇之北備人李德用畜衣食自給元嘉中年元夜有
二盜踰墻而入皆執利刃德用不敢枝梧而室內
衣裘遺無有德用一子名阿七甫六歲方眠驚因

叫有賊爲盜所射應弦而斃德用廬外有二廬紫色亦爲攘去遲明村人集聚共商量捕逐之路俄而阿七之魂登房門而號曰我死自是我命那復多痛所痛者未訣父家耳遂怨泣久之隣里會者五六十人皆爲泣涕因曰勿謀反遂明年五月當自送死乃召德用附耳告之名氏仍期勿泄俄春作將至德用謀生汲汲無容加意泊麥秋德用有麥半頃伺收拾晨有二牛蹊踐狼籍歸遍里中曰恣女傷暴我苗我已繫之牛主償責以購不爾吾

其中二字
倒

將詣官焉里其中往視之皆曰此非左側人之素蓄者也俄有二客至曰我牛也昨暮奔迸不虞至此所損之苗請酬陪價而歸我畜焉里人共謂問所從來買牛契書其用乃紫色臚交致焉德用卽悟阿七所言及詢姓名乃皆如阿七所報因卽縛之曰爾去冬射死我子盡我財者人也二盜相顧不復隱曰天也命也死不可追卽述其故曰我旣行劫殺乃北竄寧慶之郊謂事已久因買牛將歸岐下昨牛抵村北二十里徘徊不進伺夜黑過此

既寐夢一小兒五六歲許裸形亂舞紛紜相迷經宿方悟及覺二牛之糜紉不斷如被解釋則已寤矣

吾國士預言及儲技各以昔或所士祖時因唱辭
祖與來其千英書其用八紫鳥亂交姪誰斷其唱
曲與之苗請酒剖爵而醜矣畜誰里人共附問
蓄昔也知本二客至曰非半也知暮養並不實至
探前可謂里其中卦懸之昔曰此非式附人之素

述異記卷上

梁樂安任昉著

明會稽商濬校

昔盤古氏之死也頭為四岳目為日月脂膏為江海
毛髮為草木秦漢間俗說盤古氏頭為東岳腹為
中岳左臂為南岳右臂為北岳足為西岳先儒說
盤古氏泣為江河氣為風聲為雷目瞳為電古說
盤古氏喜為晴怒為陰吳楚間說盤古氏夫妻陰
陽之始也今南海有盤古氏墓亘三百餘里俗云
後人追葬盤古之魂也桂林有盤古氏廟今人祝

祀

南海中盤古國今人皆以盤古為姓昉按盤古氏天地萬物之祖也然則生物始於盤古

南海小虞山中有鬼母能產天地鬼一產十鬼朝產之暮食之今蒼梧有鬼姑神是也虎頭龍足鱗目

蛟眉

鱗蛇目圖蛟眉連生

今吳越間防風廟土木作其形龍

首牛耳連眉一目

昔禹會塗山執玉帛者萬國防風氏後至禹誅之其長三丈其骨頭專車今南中民有姓防風氏即其

後也皆長大越俗祭防風神奏防風古樂截竹長三尺吹之如嗥三人披髮而舞

軒轅之初立也有蚩尤氏兄弟七十二人銅頭鐵額食鐵石軒轅誅之於涿鹿之野蚩尤能作雲霧涿鹿今在冀州有蚩尤神俗云人身牛蹄四目六手今冀州人掘地得髑髏如銅鐵者即蚩尤之骨也今有蚩尤齒長二寸堅不可碎秦漢間說蚩尤氏耳鬚如劍戟頭有角與軒轅鬪以角觝人人不能向今冀州有樂名蚩尤戲其民兩兩三三頭戴牛

角而相觝漢造角觝戲蓋其遺製也

太原村落間祭蚩尤神不用牛頭今冀州有蚩尤川
卽涿鹿之野漢武時太原有蚩尤神畫見龜足蛇
首首瘦其俗遂爲立祠

堯使鯀治洪水不勝其任遂誅鯀於羽山化爲黃能

奴來入于羽泉今會稽祭禹廟不用熊曰黃能卽

黃熊也陸居曰熊水居曰能昉按今江淮中有魖
名熊熊虵之精至冬化爲雉至春復爲虵今吳中
不食雉毒故也

揚州有蚘市市人鬻珠玉而雜貨鮫布鮫人卽泉先
也又名泉客

南海出鮫綃紗泉先潛織一名龍紗其價百餘金以
爲服入水不濡

南海有龍綃宮泉先織綃之處綃有白如霜者

鬱林郡有珊瑚市海先市珊瑚樹碧色生海底一株
數十枝枝間無葉大者高五六尺至小者尺餘鮫
人云海上有珊瑚宮漢元封二年鬱林郡獻瑞珊

瑚

述異記 卷一
光武時南海獻珊瑚婦人帝命植於殿前謂之女珊瑚
瑚一旦柯葉甚茂至靈帝時樹死咸以爲漢室將
亡之徵也

凡珠有龍珠龍所吐者蛇珠蛇所吐者南海俗諺云
蛇珠千枚不及玫瑰言蛇珠賤也玫瑰亦美珠也
越人諺云種千畝木奴不如一龍珠

越俗以珠爲上寶生女謂之珠娘生男謂之珠兒吳
越間俗說明珠一斛貴如王者合浦有珠市

昔炎帝女溺死東海中化爲精衛其名自呼每銜西

山木石填東海偶海燕而生子生雌狀如精衛生
雄如海燕今東海精衛誓水處曾溺於此川誓不
飲其水一名鳥誓一名寃禽又名志鳥俗呼帝女
雀

東海島龍川穆天子養八駿處也島中有草名龍芻
馬食之一日千里古語云一秣龍芻化爲龍駒

陶唐之世越裳國獻千歲神龜方三尺餘背上有文
皆科斗書記開闢已來帝命錄之謂之龜曆伏滔
述帝功德銘曰胡書龜曆之文

夏桀宮中有女子化爲龍不可近俄而復爲婦人甚
麗而食人桀命爲蛟妾告桀吉凶

桀時泰山山走石泣先儒說桀之將亡泰山三日泣
今泰山山石遠望之若人泣者是也武王謂周公
曰桀爲不道走山泣石

堯爲仁君一日十瑞宮中芻化爲禾鳳凰止於庭神
龍見於宮沼曆草生階宮禽五色鳥化白神木生
蓮萐蒲生厨景星耀於天甘露降於地是爲十瑞
東海畔有孤竹焉斬而復生中有管周武王時孤竹

之國獻瑞筍一株

空桑生大野山中爲琴瑟之最者空桑也

周成王元年貝多國人獻舞雀周公命返之

南海中有軒轅丘鸞自歌鳳自舞古云天帝樂也

崆峒山中有堯碑禹碣皆籀文焉伏滔述帝功德銘
曰堯碑禹碣歷古不昧

會稽山有虞舜巡狩臺臺下有望陵祠帝舜南巡葬
於九疑民思之立祠曰望陵祠

帝舜都郭門古宮存焉宮前有堯臺舜館銘記古文

莫有識者

湘水去岸三十里許有相思宮望帝臺昔舜南巡而葬於蒼梧之野堯之二女娥皇女英追之不及相與慟哭淚下沾竹竹文上爲之斑斑然

昔戰國時魏國苦秦之難有民從征戍秦久不返妻思而卒既葬塚上生木枝葉皆向夫所在而傾因名相思木今秦趙間有相思草狀如石竹而節節相續一名斷腸草又名愁婦草亦名霜草人呼爲寡婦莎蓋相思之流也

淮南有懶婦魚俗云昔楊氏家婦爲姑所溺而死化爲魚焉其脂膏可燃燈燭以之照鳴琴博奕則爛然有光及照紡績則不復明焉

水虺五百年化爲蛟蛟千年化爲龍龍五百年爲角龍千年爲應龍

沮渙二水波紋皆若五色彼人多文章故一名績水灌淝之間離別亭古送別處漢沔會流處岸上有石銘云下至水府三十一里皆傳云李斯刻此石

鹿千年化爲蒼又五百年化爲白又五百年化爲玄

漢成帝時中山人得玄鹿烹而視之骨皆黑色仙者說玄鹿為脯食之壽二千歲

餘干縣有白鹿土人皆傳千年矣晉成帝遣人捕得鹿有銅牌在角後書云漢元鼎二年臨江所獻白鹿淮水中黃雀至秋化為蛤春復為黃雀雀五百年化為蜃蛤

梓樹之精化為青牟生百年而紅五百年而黃又五百年而色蒼又五百年而色白

龜千年生毛龜壽五千年謂之神龜萬年曰靈龜

海魚千歲為劍魚一名琵琶魚形如琵琶而善鳴因以名焉

漢中山有虎生角道家云虎千年則牙蛻而角生

漢宣城郡守封邵一旦忽化為虎食郡民呼之曰封使君因去不復來故時人語曰無作封使君生不治民死食民夫人無德而壽則為虎虎不食人人化虎則食人蓋耻其類而惡之

鏡之為獸狀如虎豹而小始生還食其母故曰梟鏡濟陽山有麻姑登仙處俗說山上千年金雞鳴玉犬

吠

闔閭夫人墓中周迴八里別館洞房迤邐相屬漆燈照爛如日月焉尤異者金蚕玉燕各千餘雙

吳王夫差築姑蘇之臺三年乃成周旋詰屈橫亘五里崇飾土木殫耗人力宮妓數千人上別立春宵宮爲長夜之飲造千石酒鍾夫差作天池池中造青龍舟舟中盛陳妓樂日與西施爲水嬉吳王於宮中作海靈館館娃閣銅溝玉檻宮之楹檻皆珠玉飾之

吳既滅越棲句踐於會稽之上地方千里句踐得范蠡之謀乃示民以耕桑延四方之士作臺於外而館賢士今會稽山有越王臺今交州麻林一名紵林句踐種麻將以弦弓交州糠頭山句踐貯米於其上春積糠爲山今會稽之上有越王鑄劍洲箭鏃洲往往有得古箭鏃蓋古制也

廣州東界有大夫文種之墓墓下有石爲華表柱石鶴 隻種卽越王句踐之謀臣也

洞庭湖中有釣洲昔范蠡乘扁舟至此遇風止釣於

遊異記 卷一
洲上刻石記焉有一陂陂中有范蠡魚昔范蠡釣
得大魚烹食之小者放於陂中陂邊有范蠡石牀
石硯鈿鏘范蠡宅在湖中多桑紵英果有海杏大
如拳苦菜甘柚林石壁上鑿兵書十篇菰葑川皆
范蠡手植之定陶有范蠡千斛魚陂木桃園酸棗
梧桐宮在句容縣傳云吳別館有楸梧成林焉
梧子可食古樂府云梧宮秋吳王愁是也
闔閭墓中石銘云吳王之夜室也嗚呼平吾君王棄
吾之邦遷于重崗維崗之陽吾王之邦

今宜都有吳王射亭木棠苑木棠果名似梨而甜宜
都七里溪吳王射堂堂之柱礎皆如伏龜袁宏官
賦曰海龜之礎是也

蒼頡墓在北海呼爲藏書臺周末發冢得方玉石上
刻文八十字當時莫識遂藏之書府至秦時李斯
識八字云上天作命皇辟迭王至叔孫通識十二
字

瀨鄉石堂有老子篆書道德經五千字蔡邕於其旁
以隸書證之

番禺有酸柿甜梅李尤果賦生物賦偏梅甜柿酸

漢童帝三年子毋筍生白虎殿前時謂為孝竹群臣

獻孝竹頌

越多橘柚園越人歲多橘稅謂橙橘戶吳書闕尚表

請除臣之橘籍是也

越中有王氏之橘園胡氏之梅山賀氏之瓜丘吳中

有陸家白蓮顧家班竹趙有韓氏之酸棗

中山有楸戶掌楸木者楸子為竹器漢書貨殖志于

年楸

邯鄲有故宮基存焉中有趙王之果園梅李至冬而

花春得而食

鄴中銅駝鄉魏武帝陵下銅駝石犬各二古詩云石

犬不可吠銅駝徒爾為

一說香水在并州其水香潔浴之去病吳故宮亦有

香水溪俗云西施浴處人呼為脂粉塘吳王宮人

濯粧於此溪上源至今馨香古詩云安得香水泉

濯郎衣上塵俗說魏武帝陵中亦有泉謂之香水

饒州俗傳軒轅氏鑄鏡於湖邊今有軒轅磨鏡石石

上常潔不生蔓草

桂林東南邊海有裸川桓譚新論云呈衣冠於裸川
海上有裸人鄉

丹陽大姑陵下有石麟二枚不知年代傳云秦漢
一閭公卿墓則以石麒麟鎮之

虞氏縣有盧君古塚塚旁栢二株枝條蔭茂二百餘
步樹文隱起皆如龜甲根勁如銅石

盧府君墓在館陶縣南二十里不知何代銘曰盧府
君歸真之室

廬陵郡有董氏之宅前有董家祠昔有董氏語其鄉
人曰吾當畫室作神及死家人老幼皆卒鄉人往
往見之稱吾於地下作廬陵侯鄉人因爲立祠能
致風雨

安定西隴道其谷中有彈箏之聲行人過聞之謂之
彈箏谷

粉水出房陵永清谷取其水以漬粉卽鮮潔有異於
常謂之粉水

漢水西山有九井井中常出五色煙高數丈傳云昔

述異記 卷一
有人縫入得數斛空青

西海外有鵠國人長七寸日行千里百獸不犯唯畏海鵠鵠見必吞之在鵠腹中不死鵠一舉亦千里吐綬鳥其身大如鸛五色出巴東山中毛色可愛若天晴景淑卽吐綬長一尺須臾還吞之陰滯卽不

吐

陽泉在天餘山北清流數十步所涵草木皆化爲石精明堅勁其水所經之處物皆漬爲石

却塵犀海獸也然其角辟塵置之于座塵埃不入

羊山上有燃石其色黃而文理疎以水沃之便如煎沸其上可炊烹稍冷卽復以水沃之

獬豸獸中最大者龍頭馬尾虎爪長四百尺善走以人爲食遇有道君卽隱藏無道君卽出食人

獬豸翼乳反

辟寒香丹丹國所出漢武時入貢每至大寒於室焚之煖氣翕然自外而入人皆減衣

迷穀出招搖山亦名鵲山其樹如穀又如楮其花四照名曰迷穀如佩之令人不迷

南康樛都縣西沿江有石室名夢口穴嘗有船人過
一人通身黃衣擔兩籠黃瓜求寄載過至崖下此
人唾盤上徑下崖直入石穴中船主初甚忿之見
其人入石始知異視盤上唾悉是金矣

瑯叅養母至孝曾有玄鶴爲戎人所射窮而歸叅叅
收養療治瘡愈放之後鶴夜到門外叅秉燭視鶴
鳴雄雙至各銜明月珠以置叅家

炎洲在南海中上有風生獸似豹青色大如狸網取
之積薪數車燒之可燃鐵鎚鍛頭數十下乃死以
口向風須臾便活以石上菖蒲塞鼻卽真死取其
腦和菊花服之可壽五百歲

南方有災火山四月生火十二月火滅火滅之後草
木皆生枝條至火生草木葉落如中國寒時也取
此木以爲薪燃之不燼以其皮績之爲火浣布
蘭陵山有井異鳥巢其中金翅而身黑此鳥見卽大
水井不可窺窺者盈歲輒死

玉門西南有一國國中有山石磻子林切千枚名霹靂
磻從春雷而磻滅至秋磻盡雷收復生年年如此

宣城蓋山有舒姑泉俗傳有舒氏女與父析薪女坐泉處忽牽挽不動父遽告家及再至其地唯見清泉湛然其母曰女好音樂乃作弦歌泉乃涌流搗衣山一名靈山在瑯琊郡山南絕險巖有方石昔有神女於此擣衣其石明瑩謂之玉女擣練碓

泮鄉西津有玉女岡天當雨輒先涌五色氣於石間俗謂玉女披衣

灤州去玉門三千里地寒多雪着木石之上皆融而

甘可以爲菓

嶮丘
嚴反

八方之荒有石鼓其徑千里撞之其音卽成雷也天之申威於此

秦始皇作石橋於海上欲過海觀日出處有神人驅石去不速神人鞭之皆流血今石橋其色猶赤

負嶠山名還丘東有雲石廣五百里有蠶長七寸黑色有鱗角以雪霜覆之然後作繭長一尺其色五采織爲文錦入水不濡

園客者濟陰人貌美邑人多欲妻之客終不娶常種五色香草積十餘年服食其實忽有五色蛾集香

草上客薦之以布生華鬢焉至鬢時有一女自來
助養鬢以香草食之得繭一百二十枚繭大如甕
每一繭繅六七日絲方盡繅訖此女與客俱神仙
去

并州妬女泉婦人不得艷粧綵服至其地必興雲雨
一名是介推妹

齊桓公北征孤竹見人長尺具衣冠左祛而走於馬
前管仲曰此山之神也名曰俞兒霸王夫之君與
則見也

和州歷陽淪為湖昔有書生遇一老媪待之厚生
謂媪曰此縣門石龜眼血出此地當陷為湖媪數
往視之門吏問媪媪具荅之吏以朱點龜眼媪見
遂走上北山顧城遂陷焉今湖中有明府魚奴魚
婢魚

信安郡有石室山晉時王質伐木至見童子數人碁
而歌質因聽之童子以一物與質如棗核質含之
不覺饑俄頃童子謂曰何不去質起視斧柯爛盡
既歸無復時人

螺亭在南康郡昔有一女採螺爲業曾宿此亭夜聞
空中風雨聲乃見衆螺張口而至便亂噉其肉明
日唯有骨存焉故號此亭爲螺亭

北方有七尺之棗南方有三尺之梨凡人不得見或
見而食之卽爲地仙

荀瓌字叔偉潛棲卽粧嘗東遊憇江夏黃鶴樓上望
西南有物飄然降自霄漢俄頃已至乃駕鶴之賓
也鶴止戶側仙者就席羽衣虹裳宮室歡對已而
辭去跨鶴騰空眇然而滅

晉安郡有一書生謝端爲性介潔不染聲色嘗於海
岸觀濤得一大螺大如一石米斛剖之中有美女
曰予天漢中白水素女天帝矜卿純正令爲君作
婦端以爲妖呵責遣之女嘆息升雲而去

東陽郡永康縣吳時有人入山逢大龜擔之未至家
遇夜攬舟於岸見老桑呼龜曰元緒汝當死矣龜
呼桑樹曰子明無苦也雖然盡南山之樵不能潰
我對曰諸葛恪明敏禍必及於予明日其人將龜
獻吳主命煮之三日三夜不死遂問諸葛恪恪曰

此龜有精須得多載老桑爲薪煮之立爛遂令以老桑斫之爲薪旣燃卽爛

漢武帝幸甘泉長平阪道中有虫赤如肝頭目口齒悉具人莫知也時東方朔曰此古秦獄地也積憂所致上使按圖果秦獄地朔曰夫積憂者得酒而解乃以虫置酒中立消

洞庭山有宮五門東通林屋西達峨眉南接羅浮北連岱岳東有石樓樓下兩石扣之清越所謂神鈺昔有青童乘燭鬘飛輪之車至此其跡存焉上有

天帝壇山山有金牛穴吳孫權時令人掘金石化爲牛走上山其跡存焉故號爲金牛穴

范文本日南奴也爲奴時牧羊於澗中得兩鯉魚欲私食之郎知詰之文詐云將礪石還非魚也郎至魚所果見兩石文異之石有鐵文因入山中就治作兩刀因舉刀向鄣鄣卽蕃中山地名也呪曰鯉魚變化治成刀斫石鄣破者是有神靈文當治此國遂斫破之衆遂推爲君

宋武帝微時伐荻於新洲見一大蛇長數丈遂射之

傷明日復往觀之聞杵臼聲覘見數青衣童子擣藥問其故荅曰我王爲劉寄奴所射今合藥傳之帝曰何神也童子不荅帝叱之皆散收得藥人因名此草爲劉寄奴

西域有鼠國大者如猪中者如兔小者如常鼠頭悉白商賈有經過其國者若不祈祀則嚙人衣裳

周成王時東夷送六角牛

磅礴山去扶桑五萬里日所不及其地甚寒有桃樹千圍萬年一實一說日本國有金桃其實重一斤

吳王闔閭葬於吳縣三月有白虎居其上號曰虎丘晉太康中會稽縣螿蟻及羊皆化爲鼠螿始變者有毛而無肉大食新稻

周穆王時天下連雨三月穆王乃吹笛其雨遂止

漢武帝時西方有日支國獻活人草三莖有人死者將草覆面卽活之矣

封微山中有怒毛獸若不噴毛短三寸若噴毛長三尺

南金山有獅子禽其毛黃赤而光鮮耳小若鳴時地

動石裂

崑崙山有玉桃光明洞澈而堅瑩須以玉井泉洗之便軟可食

北方荒外有石湖方十里中有橫公魚夜卽化爲人刺之不入煮之不死若以烏梅二七箇煮之卽熟可治邪病

東海郡尉于台有杏一株花雜五色六出號云仙人杏

晉時晉陵薛願家有虹飲釜中水須臾而竭願因以酒祝而益之虹復飲盡吐金滿釜而去願家遂至大富

顧渚山有報春鳥春至卽鳴秋分亦鳴似鷓鴣之類也

龍肝瓜長一尺花紅葉素生於冰谷所謂冰谷素葉之瓜

越俗說會稽山夏禹廟中有梅梁忽一春而生枝葉漢成帝常與趙飛燕游太液池以沙棠木爲舟其木出崑崙山人食其實入水不溺詩曰安得沙棠木

剗以為舟船

巴東有真香茗其花白色如薔薇煎服令人不眠能誦無忘

伺潮鷄潮水上則鳴孫綽望海賦曰石鷄清響而應潮是也

聚窟洲有返魂樹伐其根心於玉釜中煮取汁又熬之令可丸名曰驚精香或名震靈丸或名反生香或名却死香死尸在地聞氣即活

岑華山在西海之西有蔓竹為簫管吹之若群鳳之

鳴

魏興錫義山多生微蘅草有風不偃無風獨搖

黃金山有楠樹一年東邊榮西邊枯後年西邊榮東邊枯年年如此張華云交讓樹也

石勒嘗備於臨水為遊軍所囚會有群鹿傍道軍人競逐之勒乃獲免俄而又見一老父謂勒曰向來群鹿者我也君應為列國主故相救耳

大食王國在西海中有方石石上多樹榦赤葉青枝上總生小兒長六七寸見人皆笑動其手足頭

看樹枝使摘一枝小兒便死

獬豸者一角之羊也性知人有罪臯陶治獄其罪疑者令羊觸之

取鳥之未生毛者以丹和牛肉使吞至長羽毛皆赤殺之陰乾杵服壽五百歲

鄧通以權船為黃頭郎曰土勝水其色黃故刺船郎皆着黃帽

漢元和元年大雨有一青龍墮於宮中帝命烹之賜群臣龍炙各一杯故李尤七命曰味兼龍炙

七命文章名也

案消山有石樓樹吳太皇元年郡吏伍曜於海際得之枝莖紫色有光南越謂之石連理也

南海有明珠即鯨魚目瞳鯨死而目皆無精夜可以鑒謂之夜光

千年木精為青牛

猿五百歲化為獾獾千歲化為老人

鵠生五百年而紅五百年而黃又五百年而蒼又五百年而白壽二千歲

鸞千年生胡髯

虎魚老者爲蛟

江中魚化爲蝗而食五穀者百歲爲鼠

蛟羊似羊而無角啖之毒

古人說羊一名胡髯郎又名青鳥

周穆王之犬日走千里食虎豹

闔閭構水精宮尤極珍恠皆出自水府

瀨鄉老子祠有紫石榴紅縹李一李二色

勾漏縣有白橘青椒縹杏

南中生子母竹今之慈竹也

漢章帝元年上虞縣獻二蒂瓜一實二蒂及玉色橘

趙王故城俗呼爲麋鹿城

殷紂時大龜生毛而兔生角是兵甲將興之兆

梁孝王築平臺臺至今存有蒹葭洲鳧藻洲梳洗潭

中有望秦山商人望鄉之處

貝宮夫人廟在太一山下云懷元王夫人也廟卽其

基也

當陽南有龍川鳳川云漢武帝時八龍五鳳常見於

此亦呼爲五鳳州

魏文帝甄后陵在鄴中臨漳東北至今有甄后神

貞宮夫人廟在太一山下云獻元王夫人也廟唱其

周中育聖秦山商人聖像之靈

梁孝王築平臺臺至今存其地有秦皇廟其地

魏武帝大龜主手而與主帝具兵甲法與之兆

武王姑姑谷和為粟與姓

吳章帝示平土真經燭二帶瓜一實一帶父王可獻

述異記卷下

梁樂安任昉著

明會稽商濬校

周幽王時牛化為虎羊化為狼洛南有避狼城云幽

王時群羊為狼食人故築城避之今洛中有狼村

是其處也

關中有金魚神云周平二年十旬不雨遣祭天神俄

而生涌泉金魚躍出而雨降

楚莊王時宮人一旦化為野蛾飛去

秦始皇帝至東海海神捧珠獻於帝前今海畔有秦

皇受珠臺

東海上有蒲臺秦始皇至此臺下縈蒲繫馬蒲至今縈紆

始皇二十六年童謠云阿房阿房亡始皇古說雍州雨魚長八尺許

先儒說夏禹時天雨金三日古詩云安得天雨金使金賤如土是也

周成王時咸陽雨金今咸陽有雨金原王莽時未央宮中雨五銖錢既而至地悉為龜兒

漢世翁仲儒家力作居渭川一旦天雨金十斛於其家

漢惠帝二年宮中雨黃金黑錫呂后三年秦中大雨粟

漢宣帝時江淮饑饉人相食天雨穀三日秦魏地奏亡穀二十頃

漢武帝時廣陽縣雨麥河間有雨鉛城漢世天雨鉛錫於此周時咸陽雨錢終日而絕

秦二世元年宮中雨金既而頃刻皆化爲石

漢成帝末年宮中雨一蒼鹿殺而食之其味甚美

大禹時天雨稻古詩云安得天雨稻飼我天下民

漢世潁川民家雨金銖錢

魏武帝末年鄴中雨五色石

吳桓王時金陵雨五穀於貧民家富者則不雨

魏時河間王子元家雨中有小兒八九枚墮於庭前

長六七寸許自言家在河東南爲風所飄而至於

君庭與之言甚有所知如史傳所述

魏世河內冬雨棗

者舊說周秦間河南雨酸棗遂生野棗今酸棗縣是

也

魏文帝安陽殿前天降朱李八枚啖一枚數日不食

今李種有安陽李大而甘者卽其種也

漢末楊氏家園中產神柰三株

武陵源在吳中山無他木盡生桃李俗呼爲桃李源

源上有石洞洞中有乳水世傳秦末喪亂吳中人

於此避難食桃李實者皆得仙

杜陵有金李李之大者謂之夏李尤小者呼爲鼠李
桃之大者謂之木桃詩云投我以木桃是也

防陵定山有朱仲李園三十六所潘岳閒居賦云防
陵朱仲之李李尤果賦云三十六園朱李是也山
中有縹李大如拳者呼仙李李尤果賦曰如拳之
李陸士衡果賦曰中山之縹李又云仙李縹而神
李紅

豫章之爲木生七年而後與衆木有異
漢武帝寶鼎二年立豫章宮於昆明池 作豫章水

殿

袁紹在冀州時滿市黃金而無斗粟餓者相食人爲
之語曰虎豹之口不如饑人劉備在荊州時粟與

金同價

永嘉之亂洛中飢荒懷帝遣人觀市珠玉金銀闐委
市中而無粟麥袁宏表云田畝由是丘墟都是化
爲珠玉是也

漢末大饑江淮間童謠云太岳如市人死如林持金
易粟貴於黃金

洛中童謠曰雖有千黃金無如我斗粟斗粟自可飽
千金何所直

耆舊說桓靈之世汝穎間桑麻為蒿莠桃李不實花
而復落落而復花而官倉有朽粟

晉永嘉中梁州雨七旬麥化為飛蛾

晉末荊州久雨粟化為蠱虫害民春秋云穀之飛為
蠱是也中郎王義興表奏曰臣聞堯生神禾而晉
有蠱粟陛下自以聖德何如帝有慙色

宋高祖之初年當晉末饑饉之後即位以來江表二

千餘里野粟生焉

古說淮南諸山石生穀袁安云石穀藥名穗之尤小
者

漢世古諺曰雖有神藥不如少年雖有珠玉不如金
錢

太原神金岡中有神農嘗藥之鼎存焉

咸陽山中有神農辨藥處一名神農原藥草山山上
紫陽觀世傳神農於此辨百藥中有千年龍腦

冀州鵠山傳龍千年則於山中蛻骨今有龍岡岡中

出龍腦是也

今藥中有禹餘糧者世傳昔禹治水棄其所餘糧於江中生爲藥也

仙藥紫鳳腦千年觸髓是也

龜甲香卽桂香之善者

紫朮香一名紅蘭香一名金桂香亦名麝香草出蒼梧桂林二郡界今吳中有麝香草似紅蘭而其芳

香

南海山出千步香佩之香聞於千步也今海嶼有千

步草是其種也葉似杜若而紅碧間雜貢籍曰南郡貢千步香

日南有香市商人交易諸香處

漢雍仲子進南海香物拜爲涪陽尉時謂之香尉

日南有千畝林名香出其中

香洲在朱崖郡洲中出諸異香徃徃不知名焉千年松香聞於十里亦謂之十里香

杏園洲在南海洲中多杏海上人云仙人種杏處漢時嘗有人舟行遇風泊此洲五六日食杏故免死

云洲中别有冬杏

木蘭川在潯陽江中多木蘭樹昔吳王闔閭植木蘭於此用構宮殿也七里洲中有魯班刻木蘭爲舟舟至今在洲中詩家云木蘭舟出於此天姥山南峯昔魯班刻木爲鶴一飛七百里後放於北山西峯上漢武帝使人往取之遂飛上南峯往往天將雨則翼翅動搖若將飛奮

魯班刻石爲禹九州圖今在洛城石室山

東北巖海畔有大石龜俗云魯班所作夏則入海冬

復止於山上陸機詩云石龜尚懷海我寧忘故鄉

上虞縣有石駝步水際謂之步

瓜步在吳中吳人賣瓜於江畔因以名焉

吳江中又有魚步龜步湘中有靈妃步昉案吳楚間謂浦爲步語之訛耳

公主山在華山中漢末王莽秉政南陽公主避亂奔入此峯學道後得昇仙至今嶺上有一雙朱履傳云公主旣於山中得道駙馬王咸追之不及故留二履以示之潘安仁有公主峯記

晉永嘉亂既已至江諸公主不得隨去安陽公主平
城公主奔入兩河界悉爲民家妻常怏怏不悅有
故鄉之思村民感之共築一臺以居之謂之公主
望鄉之館至今巋然王朗懷舊賦云將軍出塞之
臺公主望鄉之館漢成帝遣將軍王潰戍邊及帝
崩王莽篡逆潰與莽有隙遂留不敢歸因逃入胡
中士卒相率築臺爲望鄉之處

曲阜縣南十里有孔子春秋臺曲阜古城有顏回墓
墓上有楠樹二株可三四十圍土人云顏回手植

晉末群盜蜂起義陽公主自洛中出奔至洛南士卒
二千餘人留守不去以衛京都劉曜攻破之主有
殊色曜將逼之主手刃曜不中遂自刃曜竒其節
遣葬之封義陽公主隣民憐之爲立廟今義陽神
是也

符堅既爲姚萇所殺於新平佛寺中後寺主摩訶闍
常夢堅曰可爲吾作官旣而寺左右民家死疫相
繼巫者常見堅怒曰吾不官將盡殺新平民因共
改寺爲廟遂無復灾疾每年正月二日民競祀以

太牢新平寺今符家神也

今烏江長亭亭下有駐馬塘卽當時烏江亭長艤舟待項王處

今陰陵故城九曲澤澤中有項王村卽項籍迷失路處項王失路於澤中周回九曲後人因以爲澤名燕昭王爲郭隗築臺今在幽州燕王故城中土人呼爲賢士臺亦謂之招賢臺

漢武帝於湖中牧馬處至今野草皆有嚼嚙之狀湖中名爲馬澤澤中有武帝彈碁方石石上勒銘石

馬

葳蕤草一名麗草又呼爲女草江浙中呼娃草美女曰娃故以爲名

懸腸草一名思子蔓南中呼爲離別草

苔草謂之澤葵又名重錢亦呼爲宣蘇南人呼爲妬草

萱草一名紫萱又呼爲忘憂草吳中書生呼爲療愁花嵇中散養生論云萱草忘憂

桂林有睡草見之則令人睡一名醉草亦呼爲懶婦

歲出海南地記

楚中有官人草狀如金荳而甚氛氳花色紅翠俗說楚靈王時官人數千皆多怨曠有囚死於官中者葬之後墓上悉生此花

舜草今之孝草也

蓆真一名塞路生北方胡地古詩云千里蓆真草莢葵本胡中葵似葵而大者

紅蘭花一名大草
寡草特生而不叢

洛陽有芝茜園漢官儀云染園出芝茜供染御服是其處也

紅綬花蔓生如綬有文采因名焉

甘泉官有木園武帝時園也今俗呼爲仙草園出漢魏官志

蔓園在定陵漢官儀曰蔓園供染綠紋綬小藍曰蔓芙蓉園在洛陽漢家置之

長沙定王故宮有蓼園真定王故園也

張騫苜蓿園今在洛中苜蓿本胡中菜也張騫始於

西戎得之

衛有淇園出竹在淇水之上詩曰瞻彼淇澳綠竹猗猗是也

梧桐園在吳宮本吳王夫差舊園也一名鳴琴川

南中有楓子鬼楓木之老者爲人形亦呼爲靈楓焉後漢李平長爲政欲得囚情以梧桐木爲囚像穿地爲坎臥木囚於其中祝之正罪者不動寃者木囚動出時以爲精誠所應子長時爲大理卿

漢武宴於未央宮忽聞人語云老臣負自訴不見其

形良久見梁上一老翁長八九寸面皺鬚白拄杖僂步至前帝問曰叟何姓名所訴者何翁緣柱拄杖叩首不言因仰視屋俯視帝脚忽不見帝駭懼問東方朔朔曰其名爲蕪兼水木之精也陛下頃來頻興宮室斬伐其居故來訴耳仰頭看屋而後視陛下脚者願陛下宮室足於此不欲更造帝乃息役後帝幸瓠子河聞水底有絃歌之聲置肴饌芬芳於帝前前梁上翁及數年少絳衣素帶佩纓皆長八寸一人最長長尺餘凌波而出衣不沾濕

或挾樂器帝問之曰向所聞樂是公等奏耶對曰
臣前昧死歸訴蒙陛下息斤斧得全其居故相慶
樂耳遂奏樂獻帝洞穴珠一枚遂隱不見帝問方
朔何謂洞穴珠朔曰河底有一穴深數百丈中有
赤蚌生此珠徑寸明耀絕世矣帝寶愛此珠置
於內庫

燕昭王種長春樹葉如蓮花樹身似桂樹花隨四時
之色春生碧花春盡則落夏生紅花夏末則凋秋
生白花秋殘則萎冬生紫花遇雪則謝故號爲長

春樹

澄水泉在滄州九視山山下出泉濶百餘步亦名流
水渠雖泛金石終不沉故人欲渡此泉以瓦鉄
爲船舫

地生毛東房以爲人勞之應北齊武成河清年中徐
州及長安地生毛長七尺時北築長城內築三臺
人苦勞役之應也

神泉出高密瑯琊郡人或禱祈求之則飛泉湧出清
冷而味甘人或汗之則便竭

述異記 卷下 十二
鹽田在河東郡有一大澤澤中產鹽引水沃之則自成號曰鹽田取之無盡不沃則無也又張掖有鹽池自然生鹽多少隨月增減

甜溪水其味如蜜東方朔得以獻武帝帝乃投於陰井中井水遂甜而寒洗浴則肌理柔滑

日林國有神藥數千種其西南有石鏡方數百里光明瑩徹可鑒五臟六腑亦名仙人鏡國中人有疾輒照其形遂知病起何臟腑即採神藥餌之無不愈其國人壽三千歲亦有長生者

列禦寇鄭人御風而行常以立春日歸於八方立秋日遊於風穴是風至即草木皆生去則草木皆落謂之離合風

秦繆公時陳倉人掘地得物若羊非羊似猪非猪繆公道中逢二童子云此名蝮史記作媮在地中食死人腦若以栢木穿其首則死故今種栢在墓中以防其害也

辰州嵩溪有丹青樹枝葉直上籠雲下無枝條上有五色葉圓如華蓋故號為丹青樹俗謂之五采樹

今在辰陽縣

城陽縣城南有堯慶都墓廟前一池魚頭間有印文謂之印頰魚若非祀者捕而不得

奇肱國其國人機巧能為飛車從風遠行湯時西風吹奇肱人乘車東至豫州界後十年而風復至使遣歸國去王門四萬里

東海有牛魚其形如牛海人採捕剥其皮懸之潮水至則尾起潮水落則尾伏

顧渚山有欖

汝耿反

子樹其木如玉色渚人採之以為

杖

蝮一首兩身者名曰肥遺西華山中有也見則大旱南海有水虫名曰筋蚌蛤之類也其小蟹大如榆莢筋開甲食則蟹亦出食筋合甲蟹亦還入為筋取食以終始生死不相離

西蜀石門山有樹名曰枕榔皮裏出屑如麵用作餅食之與麵相似因謂之枕榔麵焉

漢武帝元鼎元年起招靈閣有一神女留一玉釵與帝帝以賜趙婕妤至昭帝元鳳中宮人見此釵光

瑩甚異共謀欲碎之明視釵匣唯見白燕直升天
去後宮人常作玉釵因名玉燕釵

三國時昆明國貢魏瀨金鳥鳥形如雀色常翱翔海
上吐金屑如粟至冬此鳥即畏霜雪魏帝乃起溫
室以處之名曰辟寒臺故謂吐此金爲辟寒金也
周昭王時塗脩國獻青鳳丹鵠各一嶋一雄

吳郡魚城城下水中有石首魚至秋化爲鳧鳧項中
尚有石

南康郡有君山高秀重疊有類臺榭名曰文媧宮有
獸名格似猩猩之形自知吉凶人無機愛之則可
馴狎欲執害之則去不來

桂陽郡有銀井鑿之轉深漢有村人焦先於半道見
三老人徧身皓白云逐我太苦今往他所先知是
怪以刀斫之三翁各以杖授刀忽不見視其斷杖
是銀其井後遂不生銀也

儋耳郡明山有二石如人形云昔有兄弟二人向海
捕魚因化爲石因號兄弟石

貞山在毗陵郡梁時有村人韓文秀見一鹿產一女

子在地遂收養之及長與凡女有異遂爲女冠梁武帝爲別立一觀號曰鹿娘後死入棺武帝致祭開棺視之但聞異香不見骸骨蓋尸解耳遂葬棺於毗陵因號其葬處爲貞山

江陰北有子英廟子英卽野人也善入水捕魚得一赤鯉將着家池中養之後長徑一丈有角翅謂子英曰我迎汝身汝上我背遂升於天爲神仙晉時人

瓊瑁似小蚌有一小蟹在腹中瑁出求食故淮海之

人呼爲蟹奴

鶴毼故解反刺毼德宅反耳響則聽遠眼赤則眎遠大毛

落叢毛生其色如雪又云高脚踈節則多跛也若百六十年變止不食生物千六百年形定飲而不食與鳳爲群

松有兩鬣三鬣七鬣者言如馬鬣形也言粒者非矣人間三十六洞天知名者十耳餘二十六天出九微志不行于世也

鯉魚滿三百六十鱗蛟龍輒率而飛去一年置一神

守之則不能去矣神則龜也

王僧辨嘗為荆南得橘一帶三十子以獻梁元帝

吳太皇時朱休之家犬歌曰言我不能歌聽我歌梅
花今年故復可明年當奈何休遂殺其犬明年休
家人並死

哀牢夷西蜀國名也其先有婦人捕魚水中觸沉木
育生男子十人沉木為龍出水上九男驚走一兒
不去背龍因詆之後諸兒推為哀牢主

涿光山下鬻水多鱮鱮之魚如鵲而十翼捕之可以

禦火

吳桓王時會稽生五色瓜今吳中有五色瓜歲充貢

獻

東南有桃都山上有大樹名曰桃都枝相去三千里
上有天雞日初出照此木天雞即鳴天下雞皆隨
鳴之

合塗國去王都七萬里人善服鳥獸雞犬皆使能言
林屋洞有左神幽虛之天即天后真君之便闕中有
白芝紫泉皆此洞所出乃神仙之飲餌非常人所

能得之

日南郡出果下牛高三尺漢樂浪郡有果下馬並高三尺

廬陵有木客鳥大如鵲千百為群不與眾鳥相厠俗云是古之木客化作廬陵即今吉州也

後魏孝昌年中有洛子淵自云洛中人戍於彭城同營人樊元寶還子淵附書至洛書上題云宅在靈臺南延洛水既至洛忽逢一老翁曰吾兒書也引入門館甚盛呼坐命酒酒至色赤甚香美寶告退

老翁出送但見高岸對水無復人家及還彭城子

淵已失元寶與子淵同戍三年不知是水神也

彭城郡古徐國也昔徐君官人生一大卵棄於野徐有犬名后倉銜歸温之卵開內有一兒有筋而無骨後為徐君號曰偃王為政而行仁義

相州栖霞谷昔有橋順二子於此得仙服飛龍一丸十年不饑故魏文詩曰西山有仙童不飲亦不食即此也

河間郡有聖姑祠姑姓郝字女君魏青龍二年四月

十日與隣女樵采於滄苦候反深二水處忽有數婦人從水而出若今之青衣至女君前曰東海使聘為婦故遣相迎因數茵於水上請女君於上坐青衣者侍側順流而下其家大小奔到岸側惟泣望而已女君怡然曰今幸得為水仙願勿憂憶語訖風起而沒于水鄉人因為立祠又置東海公像聖姑側呼為姑夫

大翻山小翻山在媯州昔有王次仲年少入學而家遠常先到其師怪之謂其不歸使人候之又實

在其家同學者常見仲捉一小木長三尺餘至則看屋間欲共取之輒尋不見及年弱冠變蒼頡舊書為隸書秦始皇遣使徵之不至始皇怒檻車囚之赴國路次化為大鳥出車而飛去至西山乃落二翻一大一小遂名其落處為大小翻山媯州即今幽薊之地

利州義成郡葭萌縣有玉女房蓋是一大石穴也昔有玉女入此石穴前有竹數莖下有青石壇每因風自掃此壇玉女每遇明月夜即出於壇上閑步

徘徊復入此房

龍巢山下有丹水水中有丹魚欲捕其魚伺魚之浮
出水有赤光如火網取割其血塗足可涉水如履
平地

宋武帝大明五年廣郡獻白孔雀以為中瑞

秦惠王獻五美女於蜀王王遣五丁迎女乃見大蛇
入山穴中五丁曳蛇山崩五女上山皆化為石
一說少室山有貝多樹與衆木有異一年三放花其
花白色香美俗云漢世野人將子種於此

武都丈夫化為女子顏色美麗蓋山之精也蜀王娶
以為妻無幾物故遂葬於成都郭中以石鏡一枚
徑二丈高五尺同葬之

衡州九疑山有舜廟郡守至官常致敬脩祀則空中
如有絃歌之聲一說九疑山隔湘江跨蒼梧野連
營道縣界九山相似行者望之皆疑因名曰九疑
山

漢惠帝七年夏雷震南山林木皆自火燃至根其地
悉皆焦黃後其雨迅過人就其間得龍骨一具

晉世顏含嫂病須與蚺蛇膽療之則愈既不能得含
憂嘆累日忽有一童子持青囊授含乃曰真蛇膽
也童子遂化爲青鳥飛去

陽羨縣小吏吳龕家在溪南偶一日有掘頭船過水
溪內忽見一五色浮石龕遂取歸置於牀頭至夜
化爲一女子至曙仍是石後復投於本溪

南海中有鮫人室水居如魚不廢機織其眼泣則出
珠晉木玄虛海賦云天琛水恠蛟人之室

興安縣水邊有平石其上有石櫛石履各一具俗云
越王渡溪脫履墮櫛於此

荆州清溪秀壁諸山山洞往往有乳窟窟中多玉泉
交流中有白蝙蝠大如鴟按仙經云蝙蝠一名仙
鼠千歲之後體白如銀棲卽倒懸蓋飲乳水而長
生也

夜郎縣者西南遠夷國名也其先有女子浣紗忽見
三節竹流入足間聞其中有號聲剖竹視之得一
男歸而養之及長有武畧自立爲夜郎侯以竹爲
姓漢武帝元鼎六年征西南夷改爲牂牁郡夜郎

竹王神記

侯迎降天子賜以王印綬後卒夷獠咸以竹王非
血氣所生衆為立廟今夜郎縣有竹王神是也

交州緜普西南夷夷國各也其未育文于武縣公使
坐也

鼻十歲之許鬚白咬脰熱噴血腥蓋瘡深木而具
交旅中育白融融大咬齧其山豨云融融一容此
隄州青溪之壑清山山同卦卦育泉窟窟中多王泉
姓王夷夷州夷州隄隄北

